



საქართველოს  
მედიატორთა  
ასოციაცია



ურთიერთთანამშრომლობის მემორანდუმი

სსიპ „საქართველოს მედიატორთა ასოციაცია“-სა და აჭარის ავტონომიური  
რესპუბლიკის უმაღლეს საბჭო“-ს შორის

აჭარის ავტონომიური რესპუბლიკის უმაღლესი საბჭო (შემდგომში „უმაღლესი საბჭო“) წარმოდგენილი მისი თავმჯდომარის **დავით გაბაიძის** სახით და სსიპ „საქართველოს მედიატორთა ასოციაცია“ (შემდგომში „ასოციაცია“), წარმოდგენილი თავმჯდომარის **ირაკლი ყანდაშვილის** სახით ერთობლივი ინიციატივებისა და ღონისძიებების განხორციელების მიზნით, ვთანხმდებით ურთიერთთანამშრომლობის მემორანდუმის გაფორმებაზე.

## 1. მემორანდუმის საგანი

წინამდებარე მემორანდუმის საგანია ამ დოკუმენტით გათვალისწინებული მიზნებისათვის მხარეებს შორის ურთიერთგაგებისა და პატივისცემის პრინციპებზე დაფუძნებული ნებაყოფლობითი თანამშრომლობა.

## 2. მემორანდუმის მიზანი/ამოცანები

მემორანდუმის ამოცანებია:

- 2.1. მედიაციის პოპულარიზაციის მიზნით, ერთობლივი ღონისძიებების, მრგვალი მაგიდის, კონფერენციებისა და სხვა აქტივობების დაგეგმვა და განხორციელება;
- 2.2. მედიაციის პოპულარიზაციის მიზნით, როგორც ერთობლივი პუბლიკაციების შემუშავება და გამოცემა ასევე მედიაციასთან დაკავშირებული სხვადასხვა პუბლიკაციების თარგმნა.
- 2.3. აჭარის რეგიონში, საზოგადოებაში მედიაციის შესახებ ცნობადობის ამაღლების მიზნით, ერთობლივი აქტივობების განხორციელება.
- 2.4. მედიაციის პოპულარიზაციის მიზნით, ერთობლივი პროექტების დაგეგმვა და განხორციელება;
- 2.5. აჭარის რეგიონში მედიაციის როგორც დავის გადაწყვეტის ალტერნატიული მექანიზმის დანერგვა და პოპულარიზაცია.
- 2.6. სხვადასხვა ერთობლივი პროექტების განხორციელება.
- 2.7. მედიაციის პოპულარიზაციის და განვითარების მიზნით, შესაძლებლობის ფარგლებში სსიპ საქართველოს მედიატორთა ასოციაციასთან ერთად სამუშაო ჯგუფის შექმნა, რომელიც უზრუნველყოფს უმაღლესი საბჭოში არსებულ კომიტეტებთან ურთიერთობას სხვადასხვა მიმართულებით.
- 2.8. სხვადასხვა აქტივობის განხორციელება მემორანდუმის ფარგლებში ურთიერთთანამშრომლობის მიზნების მისაღწევად.

### 3. მხარეთა უფლებამოსილებანი

- 3.1. მხარეებს უფლება აქვთ ერთობლივი ღონისძიებების ჩატარებისა და ერთობლივი პროექტების განხორციელებისათვის ურთიერთშეთანხმების საფუძველზე გამოიყენონ მეორე მხარის კუთვნილი რესურსები კონკრეტული ღონისძიებისა თუ პროექტის მიზნებისთვის;
- 3.2. მხარეები უფლებამოსილი არიან, ურთიერთშეთანხმების საფუძველზე გამოიყენონ მეორე მხარის სარგებლობაში არსებული მემორანდუმის საგანთან დაკავშირებული კუთვნილი სასწავლო სამეცნიერო ბეჭდური ან/და ელექტრონული გამოცემების ეგზემპლარები.

### 4. მემორანდუმის მოქმედების ვადა და შეწყვეტა

- 4.1. წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს განუსაზღვრელი ვადით;
- 4.2. მიზეზის დასახელების გარეშე წინამდებარე მემორანდუმის გაუქმება შესაძლებელია მეორე მხარისთვის 30 (ოცდაათი) კალენდარული დღით ადრე წერილობითი შეტყობინების საფუძველზე.
- 4.3. კონკრეტული მიზეზის მითითებით მემორანდუმის გაუქმება შესაძლებელია მეორე მხარისათვის 14 (თოთხმეტი) კალენდარული დღით ადრე წერილობითი შეტყობინების საფუძველზე;
- 4.4. მემორანდუმის გაუქმების შემდეგ მხარეები (მათი შესაძლებლობების ფარგლებში) ვალდებული არიან განახორციელონ ყველა შესაბამისი და აუცილებელი ღონისძიება მემორანდუმის ფარგლებში დაწყებული ერთობლივი პროექტების დასასრულებლად.

### 5. კომუნიკაციის ფორმა. მემორანდუმის ეგზემპლარები


- 5.1 მხარეებს შორის კომუნიკაცია ხორციელდება წერილობითი ფორმით (ფოსტის ან ელექტრონული ფოსტის მეშვეობით).
- 5.2 მემორანდუმი შედგენილია ორი თანაბარი იურიდიული ძალის მქონე ეგზემპლარად და ინახება მხარეებთან.

### მხარეთა რეკვიზიტები და ხელმოწერა

აჭარის ავტონომიური რესპუბლიკის  
უმაღლესი საბჭო  
მის: ბათუმი, ლუკა ასათიანის ქუჩა № 37

სსიპ „საქართველოს მედიატორთა ასოციაცია“  
ს/კ: 205 391 609  
მის: ნუცუბიძის ქ. 14 ბ, თბილისი

თავმჯდომარე



თავმჯდომარე

